

鍾令平石

墨

海虞

大隗題

鍾冷平
墨

海侯

大歸題

民國十五年十月七日八版

版 權 所 有

著 作 者

古 邗 鐵 冷

印 刷 者

中 原 書 局

分 發 行 所

雙 門 底 聖 賢 里
廣 州 中 原 書 局

總 發 行 所

盤 街 中 市
上 海 中 原 書 局

鐵冷碎墨正編

定價大洋六角

序一

枕亞校碎墨。竟問於鐵冷曰。前有叢談。後有碎墨。紙勞筆瘁。爲是僕僕。子何所求。殆作千秋想耶。鐵冷曰。惡。是何言。我忘世矣。胡一名之未忘。我忘名矣。胡千秋之是望。天既靳我以不朽之事業。更何有此無謂之文章。雖然。人之生於世也。營營擾擾。皆有樂趣。可尋彼之所謂樂者。我之所謂苦也。我雖無求於世。不能不有求於己。不爲無益之事。何以遣有涯之生。舉世之所謂富貴利達金錢權勢。盡人皆好者。胥不足以娛我。則我所藉以自娛者。舍此無謂之文章。更少可爲之生活。嘗謂美人之鏡。俠士之劍。伶工之琵琶。以及文人之一枝秃管。在失意無聊時得之。亦可抵得一知己。故文王被囚。而作周易。屈原見放。而著離騷。馬遷受刑。而成史記。陶靖節罷官歸去。亦云著文章以自娛。夫諸人之志。初豈在此區區文字哉。古之著作家。殆無一非傷心人。文人而以文自見。己爲末路之生涯矣。我不敢企夫賢聖之發憤著書而竊慕。

夫淵明之澹泊明志碎墨之作亦聊以自娛而已余曰著以自娛可矣留姓氏於人間是又奚爲鐵冷笑曰碎墨出世人言不諒必尙有目余爲好名者夫余果好名亦當潛心著作爲政學經世之書以投時而弋譽而顧託之於美人香草之思極之於竹頭木屑之細莊諧歌哭雜糅無倫徒供人之咀噍以是自傳計亦左矣嗚呼茫茫大地愁雲包之芸芸衆生愁絲牽之余固天生愁種無可爲歡藉筆墨以自祛煩惱而世之文人潦倒如余思著文章自娛者亦復不少以余書贈之亦可省却旁人幾許筆墨自娛娛人余意不過如是而無所歆夫名更非所冀夫傳也聞之歐文氏之言曰余欲爲他書古今冊籍浩如煙海以余書入之直塵埃之不若不如以我所得著爲雜文值此物競劇烈之世世人必多愁苦苟讀吾書而額上皺紋爲之一舒則吾之造福亦已不淺夫我意亦猶是焉耳余作而言曰善哉子言子之書仍欲爲世人造福是忘世而終未忘世也子之心苦矣因記其言以告世之閱是編者

民國三年十一月古吳徐枕亞序於海上寄廬

序二

吾人考覈載籍。浸沈翰墨。將以雕虫小技。豆馬細術。作半生辛苦之代價。乎曰否。大丈夫讀書十年。養氣十年。將大有所作。爲而非區區章句所能。畢乃公事者。然而屈原放逐。感而爲騷。長卿被羈。憤而作史。男兒生不成名。惟有以秃筆碎錦。舒展胸中經緯耳。劉子鐵冷。豪於文辭。著作等身。近復檢其傑構。刊以行世。鷄林長價。藝苑蜚聲。吾問鐵冷。其亦自足於心乎。吾知鐵冷之志。不在此。零縑斷素。固別有懷抱也。不能展其懷抱。不得已而致力於零縑斷素。鐵冷之心。亦云苦矣。嗟乎。鐵冷斯世。醒醒大道若昧。

黃鐘瓦釜並世難容吾人戴得此崢嶸頭角固難與腥羶惡物爭厥勝負而亦不願驚駭聾聵紙上談兵污吾一付乾淨之筆研則惟有範山模水說恠搜神胸串記事之珠體續莊諧之錄以消磨此無聊歲月安排此錦繡文章後之人讀鐵冷文其亦愛鐵冷才而悲鐵冷之用非其當乎然而古之人亦有生不逢辰而以箸述見者鐵冷碎墨與雜騷史記異轍同歸均是騷人國士之餘緒也吾爲鐵冷進斯解鐵冷其亦足以自慰矣乎

民國三年九月崇明徐吁公叙於都門

序三

說部夥矣。說部中之小說。至今日而尤夥。海禁大開。華洋雜選。載更民國。氣象一新。抱奇之士。不得展其驥足。往往借見聞所及。一託之於筆墨。以抒其抑鬱。無聊此小說出版之所由日夥也。吾友鐵冷。生平無他好。惟孜孜於著述。燈紅酒綠。文思泉涌。汨汨其來。凡見諸從前民權各報。與今小說叢報者。固已價重連城矣。茲乃裒集其舊著。附以近作。顏曰碎墨。刊以行世。所載多感觸時事。英雄兒女。風土人情。寰海奇聞。偏隅瑣記。一一繪聲繪影。興味動人。所謂嬉笑。怒罵。悉成文章者。此也。或曰。文字爲造物所

鐵 冷 碎 墨

忌况小說家漱滌萬物牢籠百態抉發天地之奇秘搜剔鬼神之遁藏抵觸日深窮愁日甚豈計之得者乎余曰不然士生今日正避秦無地之日也得一書城坐擁興之所至千言立就墨花灑其繽紛一字定衡詞鋒披其榮辱問心無愧與天爲徒斯境斯情南面王不與易也使鐵冷舍其所好將學識時務之俊傑出而射策金門博斗大一城之知事乎抑拜恩私室謀總長一席之祕書乎事未可必而蠅營狗苟風節掃地矣是固鐵冷之不屑抑豈余之所贊成也抱奇之士其以余言爲然否試質之

民國三年十月二十八日雲間蠅叟陳梅溪序

序四

烏呼。今世何世耶。士嬉於朝。民困於野。強鄰睨于旁。猛虎哮于肆。非一玄黃。淆雜風雨迷漫之世耶。識時君子。憫世運之阽危。憂人心之陷溺。汲汲焉謀補救之。顧手無斧柯。奈世道何。然雙眸不盲。寸靈未死。觸眼簾者。均傷心事。震耳鼓者。屬不經談。將欲蔽明塞聰。以避世耶。無如視愈蔽而愈明。聽愈塞而愈聰。且滔滔者天下皆是。果何處爲吾人之桃源哉。將欲餽糟醕。醕與世推移耶。然而捐介之士。其量不宏。往往糟未餽而心已酸。醕未飲而咽若哽。三閭自沉。長沙痛哭。其悲絕痛極。時何嘗不作一揚波汨泥之想。惟天君司柄。南針固指。終不忍棄其瑾而毀其瑜也。然則如之何。而稍有補于世耶。曰有筆在。夫一枝毛錐。足勝三千毛瑟。詎非泰西之名言。而榮若華袞。嚴等斧鉞。亦我國筆伐者。施褒貶之威柄。蓋士君子不得志於時。蜷伏螻曲。既無尙方。斬佞之權。又無鍾判。飮鬼之策。而悲憤抑鬱。

之懷彰善癉惡之意不得不假蒙將軍之力以導達而發揮之其境愈悲
 而其心彌苦已嗟乎刀鋸所加者一人而筆伐足以勗天下威令所及者
 一時而筆伐足以戒後世然則管城子之功又豈在斧鉞鼎鑊下哉吾友
 鐵冷傷心人也方寸澄淨神經銳敏侯生古鏡若懸於胸溫嶠靈犀常燃
 於几對於斯世輒懷悲觀遇有逆耳之談違心之事在他人或已忽然漠
 置淡焉若忘而鐵冷則必欲追本溯源洞悉首尾察之既明斯知之愈審
 知之愈審斯忿之愈激忿之愈激斯筆之愈多久之哀成一冊顏曰鐵冷
 碎墨余讀是冊雖覺其用筆之嚴而不得不服其命意之正而其針砭世
 俗之苦心盎然溢於言表誠得言者無罪聞者足戒之意矣至於表彰淑
 德發揚貽徵尤不遺餘力斯冊也不獨具鋤惡之深衷抑且含信善之美
 意蓋一懲勸兼施之作也剗剗既竟索序於余余不文烏敢言序惟滿懷
 惻惻藉以拉雜書之計亦良得倘亦貽着龔佛頭之誚耶

民國三年十月十三日盧文虎序

鐵冷碎墨總目

卷一 目次

- 情說 豔情 執牛耳
情說 鐵情 棠影
情說 怨情 贅婿
情說 砭世 傲骨
情說 幻情 空谷佳人
社會 忙了一場空
情說 言情 離婚後之見面
情說 豔情 禍裏奇緣
情說 哀情 蒼溪斷腸史
情說 苦情 孤雛血淚記

總目

●卷二目次

淮陽十日記

綺窗雜識

●卷三目次

南都勝覽

●卷四目次

寰海異聞

●卷五目次

香艷小品

游戲文章

●卷六目次

新幻術

醒迷錄

說粹卷一



柳。拂。紗。窗。苦。侵。玉。砌。碧。闌。干。上。倚。一。麗。人。桐。布。輕。衫。桃。花。秀。簪。斜。迎。春。日。舉。纖。纖。玉。筍。分。五。色。之。絲。編。八。寶。之。囊。正。低。垂。素。領。注。意。勻。紗。忽。缺。蝶。飛。來。採。鬢。邊。花。粉。佇。立。簪。上。兩。翅。顫。顫。似。羨。春。色。來。自。隔。牆。者。或。卽。或。離。情。殊。戀。戀。慕。一。少。年。潛。自。麗。人。背。後。合。掌。撲。之。麗。人。驚。墮。金。鍼。面。暈。紅。潮。眉。顰。翠。黛。半。瞋。半。喜。斜。睨。少。年。曰。適。從。何。來。儼。竟。罔。覺。耶。少。年。笑。拈。翠。蝶。促。麗。人。出。銅。絲。纏。之。戲。簪。於。螺。髻。之。上。麗。人。鼻。其。纖。腰。作。羞。澀。狀。少。年。不。顧。見。蝶。翅。翕。張。欲。飛。不。得。鼓。掌。大。笑。曰。貯。汝。頂。上。襲。取。脂。粉。之。香。寧。非。豔。福。麗。人。置。若。罔。聞。急。曲。其。藕。臂。拔。其。花。鈿。手。而。觀。之。少。年。故。握。其。腕。禁。而。不。許。麗。人。喟。然。歎。曰。絲。絲。束。縛。栩栩。欲。活。之。精。神。而。今。安。在。吾。不。忍。使。彼。薄。命。飾。我。蓬。頭。也。遂。解。而。放。之。

少。年。笑。語。之。曰。女。苦。薩。真。慈。悲。哉。麗。人。眇。之。以。目。曰。脫。儂。以。怪。桔。械。君。若。願。受。否。少。年。合。十。而。前。曰。願。願。麗。人。微。慍。曰。母。多。擾。儂。不。再。辨。矣。旋。擲。其。青。白。絹。絲。披。於。肩。上。編。織。如。常。少。年。猶。曉。曉。作。謹。語。麗。人。不。聞。也。有。頃。又。一。少。年。來。舉。止。莊。嚴。貌。亦。清。秀。手。攜。簿。冊。啓。門。入。室。坐。尙。未。定。麗。人。雙。手。擎。磁。盆。進。溫。湯。使。少。年。拭。面。少。

